

OBRAZLOŽENJE

operativnog plana za izvršenje budžeta Konkurencijskog vijeća za 2018. godinu

Zakonom o budžetu institucija Bosne i Hercegovine i međunarodnih obaveza Bosne i Hercegovine za 2018. godinu („Službeni glasnik Bosne i Hercegovine“, broj: 8/18), Konkurencijskom vijeću BiH odobrena su budžetska sredstva u ukupnom iznosu od 1.353.000 KM.

Struktura budžeta za 2018. godinu po vrstama rashoda je kako slijedi:

Vrsta rashoda budžet	Odobreni
TEKUĆI IZDACI	1.337.000
Bruto plate i naknade 976.000	
Naknade troškova zaposlen	121.000
Izdaci za putne troškove	35.000
Izdaci telefonskih poštanskih usluga	17.000
Izdaci za energiju i komunalne usluge	16.000
Izdaci za nabavku materijala	9.000
Izdaci za usluge prevoza i goriva	6.000
Troškovi zakupa	114.000
Izdaci za tekuće održavanje	4.000
Izdaci osiguranja i troškova platnog prometu	4.000
Ugovorene i druge posebne usluge 35.000	
KAPITALNI IZDACI	16.000
UKUPNO ODOBRENA SREDSTVA	1.353.000 KM

Konkurencijsko vijeće za 2018. godinu nema Programe posebnih namjena.

Odobrena sredstva se odnose na neposrednu potrošnju Konkurencijskog vijeća. Mjesečna dinamika rashoda, odobrenih budžetskih sredstva, usklađena je sa planiranom dinamikom zapošljavanja za 2018. godinu i dinamikom stvaranja obaveza-rashoda u 2018. godini.

Dinamika izvršenja budžeta za 2018. godinu planirana je različito po mjesecima što je vidljivo iz Tabele 3. koja se nalazi u prilogu.

1. Konto 611100 – Bruto plate i naknade:

S obzirom na primjenu člana 7. Zakona o platama i naknadama u institucijama Bosne i Hercegovine („Službeni glasnik Bosne i Hercegovine“, broj 75/09), mjesečna dinamika na ovoj poziciji je ujednačena jer nije planirano povećanje broja zaposlenih obzirom da su po sistematizaciji Konkurencijskog vijeća sva mjesta popunjena.

2. Konto 611200 – Naknade troškova zaposlenih

Mjesečna dinamika ovih naknada je usklađena sa brojem zaposlenih u Konkurencijskom vijeću za 2018. godinu.

I. PUTNI TROŠKOVI

Konto 613 113-Putovanja, lična vozila u zemlji

Konkurencijsko vijeće ima kancelarije u Mostaru i Banja Luci. Državni službenici zaposleni u navedenim kancelarijama moraju dolaziti na konsultacije odnosno na usmene rasprave u Sarajevo zbog predmeta na kojem rade. Obzirom da navedene kancelarije nemaju službenih vozila u pojedinim situacijama su primorani da koriste lična vozila.

Konto 613 114- Troškovi smještaja za službena putovanja u zemlji

Konkurencijsko vijeće ima kancelarije u Mostaru i Banja Luci. Državni službenici zaposleni u navedenim kancelarijama moraju dolaziti na konsultacije odnosno na usmene rasprave u Sarajevo zbog predmeta na kojem rade.

Konto 613 121 – Troškovi prevoza u inostranstvu javnim sredstvima

Konkurencijsko vijeće nema plan službenih putovanja zbog prirode posla koje obavlja. Naime, putovanja se ne odnose na školovanje, seminare i sl. koji se mogu planirati unaprijed, nego su isključivo učestvovanje u radionicama i prisustvo na forumima vezano za aktuelne case study gdje predstavljaju Bosnu i Hercegovinu. Za realizaciju službenih putovanja potrebno je 13.000 KM.

Konto 613 124- Troškovi smještaja za sl. putovanja u inostranstvu

Sredstva na navedenom kontu su povezana sa prethodnim obrazloženjem. Putovanje uvijek traje više dana tako da su neophodna sredstva na ovom kontu.

Konto 613 125- Troškovi dnevnica u inostranstvu

Za realizaciju službenih putovanja u inostranstvu potreban je novac na stavci dnevnica u inostranstvu koje se ostvare u skladu sa Odlukom o izmjenama odluke o visini dnevnica za službena putovanja zaposlenih u institucijama BiH br. 42/12 od 31.05.2012. godine.

II. IZDACI TELEFONSKIH I POŠTANSKIH USLUGA

Prilikom izrade Operativnog plana potrošnje za 2018. godine uzeti su u obzir pravilnici i to: Pravilnik o pravu na korištenje fiksnih telefona u Konkurencijskom vijeću BiH i Pravilnik o pravu na korištenje mobilnih telefona u Konkurencijskom vijeću BiH.

III. IZDACI ZA ENERGIJU I KOMUNALNE TROŠKOVE

Mjesečna dinamika izdataka za energiju i komunalne usluge usklađena je sa očekivanom potrošnjom kao i cijenama komunalnih troškova.

IV. NABAVKA MATERIJALA

Za nabavku materijala odobrena sredstva za 2018. godinu iznose 9.000,00 KM. Odobrena sredstva su potrebna za nabavku sredstava neophodnih za rad državnih službenika i članova Konkurencijskog vijeća.

V. IZDACI ZA USLUGE PREVOZA I GORIVA

Mjesečna dinamika izdataka za usluge prevoza i goriva je usklađena sa očekivanom potrošnjom kao i Pravilnikom o korištenju službenih vozila u Konkurencijskom vijeću BiH.

VI. IZNAJMLJIVANJE IMOVINE I OPREME

Konkurencijsko vijeće je smješteno u prostorijama koje se iznajmljuju u Sarajevu i kancelarija u Banja Luci je takođe smještena u iznajmljenom prostoru.

VII. IZDACI ZA TEKUĆE ODRŽAVANJE

Za tekuće održavanje odobrena sredstva za 2018. godinu iznose 4.000,00 KM. Odobrena sredstva su potrebna za nabavku sredstava neophodnih za rad državnih službenika i članova Konkurencijskog vijeća.

VII. UGOVORENE I DRUGE POSEBNE USLUGE

Konto 613 913 – Usluge javnog informisanja i odnosa sa javnošću

U skladu sa Zakonom o konkurenciji, Konkurencijsko vijeće je dužno svoje konačne procesne radnje objaviti u 3 dnevna lista, što iziskuje sredstva obzirom na povećan obim procesnih radnji pred Konkurencijskim vijećem.

Konto 613 914 – Usluge reprezentacije

Vijeće se sastoji od predsjednika i 5 članova Vijeća koji koriste pravo na troškove reprezentacije u skladu sa Pravilnikom o korištenju troškova reprezentacije Konkurencijskog vijeća.

Konto 613 919 – Ostali izdaci za informisanje

U skladu sa Zakonom o konkurenciji, Konkurencijsko vijeće može pokrenuti postupak po službenoj dužnosti zbog čega je potrebno praćenje svih poslovnih događaja vezanih za konkurenciju. U tu svrhu nabavljaju se dnevne i periodične novine.

Konto 613 971 – Izdaci za usluge po osnovu ugovora o djelu

Konkurencijsko vijeće BiH je u toku 2018. godine planiralo angažovanje dva spoljna saradnika po osnovu ugovora o djelu i to na poslovima općih i kadrovskih poslova i na poslovima održavanja čistoće u službenim prostorijama u Sarajevu. Naime, državna službenica zaposlena na poziciji viši stručni saradnik za kadrovske poslove je na trudničkom bolovanju, a kako je navedena pozicija veoma važna za uspješno funkcionisanje Konkurencijskog vijeća, angažovan je spoljni saradnik. Također je angažovan spoljni saradnik na poslovima održavanja čistoće jer po Pravilniku o sistematizaciji nije predviđeno radno mjesto za navedene poslove.

Predsjednik

Ivo Jerkić

DOPUNA OBRAZLOŽENJE
Operativnog plana Konkurencijskog vijeća za 2018.godinu

I. KAPITALNI IZDACI

Konkurencijskom vijeću BiH je planiralo 16.000 KM za nabavku kapitalnih izdataka. Planirana je nabavka 2 softvera za potrebe Konkurencijskog vijeća BiH. Softver namjenjen za backup sistem serveru kao zaštita podataka koje se nalaze na serveru Konkurencijskog vijeća BiH. Navedni softver se odnosi na zaštitu od eventualnog gubitka podataka koji su pohranjeni na serveru a do kojih je Konkurencijsko vijeće došlo. S obzirom na prirodu posla kojom se bavi Konkurencijsko vijeće potrebo je osigurati zaštitu podataka od eventualnih gubitaka ili oštećenja a ovaj program to omogućava.

Softver namjenjen za online pristup podacima o privrednim subjektima a koji su važni zaposlenicima Konkurencijskog vijeća prilikom uporednih analiza kao i analiza tržišta. Naime, ovaj softver sadrži podatke o industrijama, kompanijama, finansijskim pokazateljima, a pored toga daje i mogućnost izrade finansijskih projekcija te ocjenu vrijednosti kompanije. Podaci su pouzdani i daje finansijski pregled svih grana industrije i pojedinačnih kompanija i to po standardnoj klasifikaciji djelatnosti BiH. Na ovaj način se olakšava izrada sektorskih analiza zaposlenicima Konkurencijskog vijeća prilikom određivanja tržišnog učešća svakog privrednog subjekta koji je predmet analize. S obzirom da je djelatnost Konkurencijskog vijeća BiH zaštita tržišne konkurencije u smislu zabranjenih konkurentskih djelovanja, ovaj program olakšava prikupljanje podataka u cilju što preciznijeg donošenja rješenja o ocjeni konkurencije.

Predsjednik

Ivo Jerkić